


ادبیات ، فنون مسکریه ، بحریه ، تاریخ ،
تجارت ، زراعت ، صنایع ، معارف ، امور
نافعه و اکتیجی فقراتدن باحث مصور
جریده در .

هر نوع خصوصیات ایچون غزته نك مدیری
معاذتلو طاهر بك افندی حضرتلرینه مراجعت
اولنور .

BUREAUX :
Imprimerie Tahir Bey
40, rue de la Sublime-Porte,
STAMBOUL



(ارتقا) نك استانبول و طعنه ایچون
بر سنه نك آتونه سی ۳۲ هر وشددر .

معمانی بالجله ارباب قله آچیقدره . هر الی
قلم طوتان یازده بیلیر .
اداره خانه سی باب عالی جاده سنده ۴۰
نومرولی « معاومات » مطبعه سیدر .

JOURNAL ILLUSTRÉ
IRTIKA

نسخه سی : ۲ پارهیهدر

جمعه کونلری نشر اولنور فی وادی مصور عثمانلی غزته سیدر

نسخه سی : ۲ پارهیهدر

محمد (۹۴۴ - ۱۰۳۱) چلبی لر حضراتی ، بعدم ، عباس ، ابوبکر مصطفی ؛ افندیار بونلردن صوکره یحیی ، عثمان ، علاءالدین ، احمد ، یحیی و علی ، محمد راشد و کمال الدین چلبی لر ایشای مشیخت ایلشلردر .



بالاده اسامیسی مسطود ذوات ستوده صفات میاننده ابوبکر افندی استانبولده کال زاده دیمکله معروف مجموعه فضائل برملای رفیع القدر اولوب طغانی احمد دده حضرتلرینک زانوی انابتیه جبهه سای اخلاص ایله کامیاب اولمشدر . شیخک وفاتندن صوکره قونییه کیده رک تربه قدس رتبه حضرت مولاناده کال خلوص بال ایله خدمته باشلامش و درگاه شمس الدین تبریزی طبیباه ثراه الابرزی ده مشوخیوانلق خدمت متبرکه سیله بین الامثال قرین رتبه توفیر اولمشدر .

ابوبکر چلبی حضرتلرینک زماننده بغداد دارالاسلام تکیه سی مشیخته نقل ایدلش ایسه ده ، چوق کچمه دن استحصال مساعده ایله درسعادتیه عودت ایلمشدر . عارف کوچک حضرتلرینک قره حصاردن قونییه درگاهنه وقوع مأموریتلری اوزرینه ابوبکر افندی دخی قره حصار تکیه سی شیخکله تعیین ایدلش و بو خدمت پر برکنده نسخته نفیسه حیاتی ختم ایلمشدر . ابوبکر افندی نفس واپسینه قدر تحصیل هنر و معرفتله سعادت دارینی استحصال ایدن بختیاران امتدندر .

بلبل خوش الحان مشوی اولان مرحوم مشارالیه فوق العاده سلاست وطلاقت افاده مالک اولدقلردن مشوی شریف تقریر ایدرکن فصاحت اداسی و حلاوت بیانی حاضرینک ازدیاد ذوق و شوقی باری اوله رق درس نه قدر اوزارسه اونسته نشئه یاب صفا اولورمش . حتی حسین چلبی حضرتلری متوجه صوب دارالخلافه اولدقده قره حصاره دخی اوغرامشدر ایدی . اثنای مقابله ده شیخک حلم و وقارینه تقریر متویده کی شیوه عارفانه و اطوار عاشقانه سه ربوده اوله رق درسک تطویل و تفصیلی بالدفعات رجا و نیاز ایلمشلردر . اثنای مقابله ده حسین افندی حضرتلری غلبه شوق و وجد ایله متذوق اولدقلری حلاله سماعیله ایتشلردر . مشارالیه حسین افندی حضرتلری عودتده قره حصارده برقاچ هفته قالمش و دفعاتله دده نک درسنده بولمشلردر بودغه ابوبکر افندی بی مشوخیوانلق خدمتیه قونییه کتورمک ایسته مشلر و خیلی نیاز ایتشلرسه ده مرحوم بیان اعتذارله چلبی مشارالیه دامن عفولرینه صارلشلردر .



قره حصار تکیه سی سجاده نشینلری اره سنده سالف الذکر مصطفی دده یکی شهر اهالیسندن و اولاد فقرای صوفیه دن اولوب خدمتده بولندی ذاتک وقوع ارتحالی اوزرینه قره حصاره عزیمت ایلمشدر ، تحصیل معارف خصوصنده کندوستنده یک زیاده میل وارزو اولدیغندن و فقط فقر حالی بواینه معارف و زینسک ساحه حصوله کسنه مانع قوی تشکیل ایلدیکندن مأیوس اولورمش .

درویش مصطفانک نه درجه تشنه کات معرفت اولدیغنی کشف و تقدیر ایدن سرنایزن درگاه کلوم دده : « سن خدمتکله صدقله دوام آیت . سنک استاد معرفتک بغداددن کلیر . » دیهرک کندوسنی تسلی ایلرمش . فی الحقیقه برمدت صوکره ابوبکر افندی بغداددن درسعادتیه و بورادن ده قره حصاره کیدنجیه درویش مصطفانک تحصیل معارف الهیه امرنده کی ارزوی شدیدنی تقدیر و تحسین ایدرک تعلیم و تربیه سنه بالذات اهتمام ایلمش ؛ ایشه درویش مصطفی ده بوساییده برمرسد صاحب کرامت اولمشدر .

(سقیفه) مؤلفی مصطفی ثاقب دده ، کوتاهییه قسمنده بیان ایدلیکی وجهه حاجه فاطمه خاتمک حجاز مغفرت طرازدن حین عودتله درویش مصطفی ایله برلکده قره حصاردن اق شهره عزیمتله مشارالیه ک خدمتده بولمشلردر .

— مابعدی وار —

مدیر مسئول : محمد طاهر

ایش ایدی . دکزده دالغله پیدا اولیوردی . شبهه یوقکه ایلک فورتنده شسانسه لور پارچه پارچه اوله جق ایدی .

اقشام اوزری قبودان ، مهندس فالستن ، مرانغوز سرطانه هپ کیدوب اومدخلده شمدی جذر حالیه میدانیه چقان قیالغی معاینه ایلک ، سفینه بی کچیرمک ایچون برچاره وار ایدی ، اوده شو قیالغی بونجه طقوز یارمق یارمقدن عبارت ایدی . قیالر بویه جه یاریلرسه سفینه راحتجه اوزرندن کچه بیلجک ایدی .

سرطانه دیدی که :

— بوقیانک سرتلکی عادتاً غرابت کی ! آنجق جذر زماننده یعنی کونده ایکی ساعت قدر چالشمق قابل اولدیغی ایچون چوق سورر .

روبر کورتیس — بن اونک ایچون همان ایشه باشلیلم دیورم .

— قبودان بوایلر سورر . سفینه ده بر آرز باروتمز وار ، شو قیالری طاش اوجاقلری اصولی قویارمق قابل اوله منمی ؟

مرانغوز — ذاتاً بنده اونی دوشونیورم .

درحال ایشه باشلادیلر ، طاقه لر دن بریسی طاش اوجاغنده ایشله مش اولدیغی ایچون بو خصوصده مهارتی وار ایدی . مع مافیه بتون بو عملیات چابوق اولدی ، آنجق تشرین ثانیکن ۲۳ نجی کونی صباحلین ایش بیتمش ایدی .

ساعت سکز ایدی . سفینه مدخلدن ابی اوزاق ایدی ، طاشلرک فیرلایه جغی دأره دن خارج ایدی . بز احتیاطاً آطیه چیققدق . طاشجیلق بیلن طاقه ترتیباتی بتیروب آتش ویردکن صوکره یانمز کلدی .

اون دقیقه بکله دک ؛ برشات ایشلدی ، دکزده برچوق قیالر فیرلادی ؛ متلاشیانه مدخله سیرتک . سفینه نک مرورینه حیولت ایدن قیادن اثر قالمه مش ایدی ، هپ بر آغز دن کال مسرتله باغیردق .

سفینه من یلکنلری اچدی ، دمیر آلمش ایدی ، بریادن لاججه بریادن یسایدیرک اودار مدخله راحتجه چیققدق .

دها برکون اولسون شوراده دورمق صافره المق لازم ایدی . تام یکریمی درت ساعت طاقه لر سفینه یه حاقل دولدرمغه چالشدیلر .

بو عملیات انساننده موسیو لوتورنور ، اوغلی و میس هرپی ایله بن اوج هفته مسافرت ایتدیکن طاش آطیه چقده بردها کزدک . مغاره نک قیوسی اوسته آندره کال مهارتله سفینه نک اسمنی ، تاریخی ، آطیه ویردیکنر اسمی حک ایلدی .

تشرین ثانیکن ۲۴ نجی کونی دکز تام مدخلنده ایکن شسانسه لور غایبه و بابا فغو یلکنلرینی اچدی ، یول ویردی ؛ ایکی ساعت ساعت صوکره همروق آطیه سی کوزدن بغائب اولدی .

یکرمی ایکنجی باب

۲۴ تشرین ثانیکن ۱ کانون اوله — شمدی دکزده بر ، هم اوله بر سفینه ده که متاتی مشکوک ! تشکر اولور که یولچیلغمز چوق اوزون دکل . سکز یوز میل یولمز وار ، اگر روزکار شمال شرقیدن برقاچ کون امرسه کویان سواحلنه چابوق واریرز .

سفینه یه جنوب غربی یولی ویرلدی ، سفینه ده کی حیات طرز معتادینی آلدی . ایلک کونلر عارضه سزچیدی ؛ روزکاری اسیور ، روبر زیاده یلکن اچق ایسته میور ، سفینه یه زیاده سرعت ویرسه ک دلیکی تکرار آچه بیلیرز ، سفینه صو آلیو دیه قورقیور .

— مابعدی وار —



ساج : محمد طاهر

[۱۶۴ نجی نسخه مازدن مابعد]

خلاصه کلام ، بوقعه سپهر قبه ده حضر (۹۰۳ - ۹۷۸) ، مخدوم والا کهرلری